

語錄大觀

玉清語錄

七則 出松江趙氏刻本

呂祖曰佳哉放生之得生也生一放則生生無窮放而生之則長久而生即生而至不生是物之盡於生之數不受刀鋸鼎烹之報則為生得全而得出鱗甲之輸入人倫之道矣使之一人倫知修知省漸而基之便得修省之根轉而生生無已證仙佛大儒無不從一物而生之也請觀之

坐談翦燭話知心風雨清涼結道因塵世火坑誰得出嚴行功過始庚申人第知守庚申為從此際做下死工夫種出頭根子人能於此修省加以考功問過羞慚惕勵便是君子心腸佛仙

道藏輯要

玉清語錄

癸

壁集三 六八川

骨相雖此際未見得力到那榮名壽考解厄善後時方知守無虛設格領有因其得力豈無對驗哉願子輩毋我言是忽

甚矣為人之不易也人而曰為此際正費討論第一孝悌第二忠信第三積功累行無絲毫負為人之道即仙即佛即儒尊了為人而仙亦非難也能盡人之道而加以操修無已之功刻勵勇往之志無始終心無彼此見純一其懷來自自然與道合真明心見性其基立矣始入道功過格一定要領能領格便覺此身不是虛空有箇著實行行款款凜凜悚悚把握此心定後纔可問道禮斗於格無忝更何慮未能孝悌忠信未能積功累行哉為人之道盡是仙佛之道盡是即儒尊大小內外之道亦盡

是

檢點羣仙冊籍約略以億萬計而考較止隔一百二十日下凡者去百之一可知仙根遍地自識難真世間人略識幾行字略發一善心略做幾件功夫未有非根之不仙者至若世之貴者富者貴且富者富且貴者總未有不因乎仙之根而來大以成大小以成小各因其根之大小以副分量之巨細人在夢中而不知覺覺能生慧慧光反照處便曉此身從何處得來以至今日如是如是必有緣故從此猛省從此著力便有箇尋源返本的所在試聽樹上黃鸝叫便曉歸根落葉時世之不覺者謂今日如是如是自我生初自應如是如是浪費歲月浪費功夫日

道藏輯要

玉清語錄

卷

壁集三
X上

游夢中日嘗夢趣恍恍惚惚悠悠揚揚更自造出許多夢境來謂我得人生之樂如是如是殊不知暗中消滅許多枝枝葉葉削伐到根頭了還不知覺麼只苦汝不知耳故了卻生前福業又造下身後惡根還要還一個了不得何時出頭何時返本輾轉墮落輾轉落到污泥中便不好收拾如何好如何好奉勸世間三教子爲儒的須要細細體貼孔孟安身立命的所在莫粧孔孟腔心藏盜跖行爲道的須要細細體貼太上出世還真的去處莫模稜拂芒鞋樣胸團勢利劫財心爲釋的須要細細參求自在歸有還無的化境莫粧托鉢披袈態中懷淫騙酒肉心能讀道人醒世語而覺者卽是三教中之好種子成仙成佛成

儒有若反掌不知覺者卽是三教中之惡孽塊壞儒壞道壞佛
究落地獄不得超生慎之勉諸

長話休題且短談嚴行感應過功篇積功可益千般過合一珠
源氣自連昨日道場爲諸子解盡諸孽今日只當重新做人爲
諸子超盡祖宗今日只當再來孝子吁嗟乎爲人莫易好道誠
難人旣無忝乎人道可終生好道功旣無由見功過可積漸免
過過日漸免功自日增方稱是人方爲好道我生之初求證今
日豈易言盡諸境諸艱曾一試乎呵呵某略失一小盜某亦略
失一小盜某室曰做善人無益也某室曰師許我無靈也不幾
視我爲何如仙乎我生之初當不知悔鍾離師爲何若矣我將

道藏輯要

玉清語錄

矣

壁集三
X七上二

如師之度我如師之歷試我如師之點化我轉而度諸子轉而
歷試點化諸子更不知其退悔我退念我之爲何若

昔有士人以長生藥詢予予答曰長生藥豈無於穆不已天之
所以爲天也純亦不已文王之所以同乎天也聖可同天同天
則不息不息則無始無終由此而言則長生有藥詎不信乎士
又詢天堂地獄之說果耶否耶予答曰天地人三才位也明與
幽三才判也明有司宰幽有鬼神一定理也善則心體明白光
大正直與陽合德惡則邪暗偏曲昏晦與陰合德陽從陽類入
於天陰從陰類入於地方以類聚物以羣分一定勢也若夫地
之有獄考究過愆勸獎淑善則又與人間官府之設均也又豈

特在杳冥難測中哉假若人之患病在寢卽是受諸地獄明驗
心腸疽朽是卽剗割地獄爛喉腐舌是卽犁耕地獄灼燎烟火
是卽火坑地獄湯泡油炙是卽鼎鑊地獄頂門之疽知是火盆
之陰置也腰間之痠知是累石之暗懸也周身膿血之災而痛
不可當非刀山之地獄而何遍體拘攣之急而苦不可忍非吊
竿之地獄而何身如千鈞之壓而轉動不順此磨礮之地獄焉
百骨如折而痛入筋膚此搗臼之地獄焉瘡癩遍體而皮無完
處者剝皮地獄也刺痛周身而肢如分裂者鋸解地獄也食聞
香味而食之不下咽其諸餓鬼之地獄乎物知所好而視之不
能見其諸黑暗之地獄乎吐血成盆下血成桶又非血湖池地

道藏輯要

玉清語錄

卷

壁集三
又之人

獄乎東如蛇咬西如蠟刺又非惡犬村地獄乎惡熱惡寒時生
戰栗重裘不煖沸水不炎如冰山地獄之受焉食不遂餐衣不
遂服臥疾歲月天日不親或縲紲桎梏之加或筆楚笞杖之及
如阿鼻地獄之入焉此人間地下幽事明徵子胡惑乎若夫高
車駟馬前叱後呼衣金紫食肥甘欲不求遂而自遂志不求適
而自適遊神於逍遙之境怡情於快樂之鄉是居於天堂上矣
憶昔未證帝位時嘗至東魯遊泗水訪闕里幻服色爲訓蒙師
覓東假館有巨族姬嗣周嗜性命之學三子皆受易遇予與之
談先天後天之理嗣周卽欣然延予誨諸子其長子通仲子達
季子適恂恂厚士也卽執弟子禮事予時從遊者有若沈淵諸

孔達周以敬柏梁公孫愚陳惘王子先王子宗孟機孔膺哲孔承孔紀同方合志之朋卓爾見道宛如昔日尼宣弟子輩止有魯紹姬汪宗聖二人雖習於文而行類鄙者稍有侮惕之態予一日爲諸生誦如有周公之才之美使驕且吝其餘不足觀也已節因發其旨云夫周公以天縱之資待旦之勤備三王之德施四事之美攝國輔政弭流言以回姬祚揮東斧以攝奸心主盛躋之懿德宏不匱之良謨其才可謂美矣然能折節下士推己及人吐哺受芻牧之言握髮聽工師之策不自滿假汲汲求善欲使天下後世盡有才美之實而其心始已焉此周公之所以爲才美此周公之才美爲可觀也使公也矜其所能眩其所

道藏輯要

玉清語錄

百

壁集三
又文三

長自珍其才而惟恐人之有才自恃其美而惟恐人之有美則其才也爲末節焉其美也爲虛務焉此乃餘事不足爲貴重也胡尙哉無以觀也有公之才美且不可驕而吝凡未及於公與夫一才一藝之長者又安可驕吝乎公而驕吝其才尙不足觀下於公者而驕吝又奚足觀乎進而推焉有天下者驕且吝則失其天下有國者驕且吝則失其國有家者驕且吝則失其家有身者驕且吝則失其身甚矣驕吝之不可有也爾諸生學爲聖賢將以上佐天子下治國家中以立身揚名顯親爲宇宙完人可蹈此失耶有則改無則勉予與諸生共一子聞之赧顏汗背稽首受教未一季而渙然冰釋率由謙退更倍又一夕與之

講鳴鶴在陰其子和之我有好爵吾與爾縻之云凡物之在兩
間同聲相應同氣相求羣分類聚毫髮不間故曰口同嗜耳同
聽目同美凡同類者舉相似也何獨至於心而疑之乎夫心之
所同然者德也德乃天之良貴心之好爵也心德全之於此則
天爵具而人之好尚歸焉凡有秉彝之良者咸起應從之志不
界封場疆域不限幼長卑尊悅之者有同然慕之者無異念不
特是也天地之所以生長收藏莫非德也吾人之所以安身立
命亦此德也全是德焉一真不雜萬慮皆澄不汨於紛紜撩擾
之欲渾涵於淵深甯寂之天則天地之所具者吾具天地之所
主者吾主通乎天機徹乎地軸此感彼應鶴鳴而子和也可以
成位於兩間先天而天不違後天而奉天時蓋不知天地爲我
我爲天地矣

道藏輯要

玉清語錄

百

壁集三
川一文

此亦玉清贊化之地煌煌寶訓如日月當天茲僅錄七則未
窺全面異日亦當採補焉惠覺謹誌